


月令第六

孟春之日曰在營室昏參中旦尾中其日甲
乙其帝太皞其神句芒其蟲鱗其音角律中
太族其數八以味酸其臭羶其祀戶祭先脾
東風解凍始發始振魚上冰獺祭魚鴻雁來
天子居青陽左个乘鸞路駕蒼龍載青旂衣
青衣服倉玉食麥與羊其器疏以達是日也
以立春先立春三日太史謁之天子曰某日
立春盛德在木天子乃齊立春之日天子親

帥三公九卿諸侯大夫以迎春於東郊還及
賞公卿大夫於朝命相布德和令行慶施惠
下及兆民慶賜遂行毋有不當乃命太史守
典奉法司天日月星辰之行宿離不貸毋失
經紀以初為常是月也天子乃以元日祈穀
于上帝乃擇吉辰天子親載耒耜措之于參
保介之御間帥三公九卿諸侯大夫躬耕帝
藉天子三推三公五推卿諸侯九推及執爵
于大寢三公九卿諸侯大夫皆御命曰釐酒

是月也天氣下降地氣上騰天地和同草木
萌動王命布農事命田舍東郊皆脩封疆審
端徑術善相丘陵阪險原隰土地所宜五穀
所殖以教道民必躬親之田事既飭先定準
直農乃不惑是月也命樂正入學習舞乃脩
祭典命祀山林川澤犧牲毋用牝禁止伐木
毋覆巢毋殺孩蟲胎夭飛鳥毋麝毋外毋聚
大眾毋置城郭捨骼埋燬是月也不可以稱
兵稱兵必天殃兵戎不起不可從我始毋變

天之道毋絕地之理毋亂人之紀孟春行夏令則雨水不時草木蚤落國時有恐行秋令則萬民大疫秋風暴雨總至黎莠蓬蒿並興行冬令則水潦為敗雪霜大擊百種不入仲春之月月在奎宿孤中旦建星中其日甲乙其帝太皞其神句芒其蟲鱗其音角律中夾鍾其數八其味酸其臭羶其祀戶祭先脾始雨水桃始華倉庚鳴鷹化為鳩天子居青陽太廟乘鸞路駕倉龍載青旂衣青衣服倉玉



食麥與羊其器疏以達是月也安萌芽養幼少存諸孤擇元日命民社命有司省園囿去桎梏毋肆掠正獄訟是月也玄鳥至至之日以大牢祠于高禘天子親往后妃帥九嬪御乃禮天子所御帶以弓鬪授以弓矢于高禘之前是月也日夜分雷乃發聲始電蟄蟲咸動啓戶始出先雷三日奮木鐸以令兆民曰雷將發聲有不戒其容止者生子不備必有凶災日夜分則同度量鈞衡石角斗角正權

概是月也耕者少舍乃脩闔扇寢廟畢備毋
作大事以妨農之事是月也毋竭川澤毋漉
陂池毋焚山林天子乃鮮羔開水先薦寢廟
上丁命樂正習舞釋菜天子乃帥三公九卿
諸侯大夫親往視之仲丁又命樂正入學習
樂是月也祀不用犧牲用圭璧更皮幣仲春
行秋令則其國大水寒氣總至寇戎來征行
冬令則陽氣不勝麥乃不熟民多相掠行夏
令則國乃大旱煖氣早來蟲螟為害季春之

月日在胃昏七星中旦牽牛中其日甲乙其
帝太暉其神勾芒其蟲鱗其音角律中始洗
其數八其味酸其臭羶其祀少皞先脾桐始
率田鼠化為鴛虹始見萍始生天子居青陽
右个乘鸞路駕倉龍載青旂衣服倉玉
食麥與羊其器䟽以達是月也天子乃薦鞠
衣于先帝命舟牧覆舟五覆五及乃告舟備
具于天子焉天子始乘舟薦鮪于寢廟乃為
麥祈實是月也生氣方盛陽氣散泄勾者畢

出萌者盡達不可以內天子布德行惠命有
司發倉廩賜貧窮振乏絕開府庫出幣帛周
天下勉諸侯聘名士禮賢者是月也命司空
以時雨將降下水上騰循行國邑周視原野
脩利堤防道達溝瀆開通道路毋有障塞田
獵置罟羅網罟罾蝮獸之藥毋出九門是月
也命野虞毋伐桑柘鳴鳩拂其羽戴勝降于
桑具曲植籩筐后妃齊戒親東鄉躬桑禁
婦女毋觀省婦使以勸蠶事蠶蠶事既登分

繭稱絲效功以共郊廟之服毋有敢惰是月
也命工師令百工審五庫之量金鐵皮革筋
角齒羽箭幹脂膠丹漆毋或不良百工咸理
監工日號毋悖于時毋或作為淫巧以蕩上
心是月之末擇吉日大合樂天子乃帥三公
九卿諸侯大夫親往視之是月也乃合累牛
騶馬遊牝于牧犧牲駒犢舉書其數命國難
九門磔攘以畢春氣季春行冬令則寒氣時
散草木皆肅國有大恐行夏令則民多疾疫

時雨不降山陵不收行秋令則天多沉陰淫
雨蚤降兵革並起孟夏之月日在畢昏翼中
旦發女中其日丙丁其帝炎帝其神祝融其
蟲羽其音徵律中中呂其數七其味苦其臭
焦其祀竈祭先肺蟪蛄鳴蚯蚓出王瓜生
苦菜秀天子居明堂左个乘朱路駕赤駟載
赤旂衣朱衣服赤玉食菽與鷄其器高以粗
是月也以立夏先立夏三日太史謁之天子
曰某日立夏盛德在大天子乃齋立夏之日

天子親帥三公九卿大夫以迎夏於南郊還
反行賞封諸侯慶賜遂行無不欣說乃命樂
師習合禮樂命大尉督築後遂賢良舉長大
行爵出祿必當其位是月也繼長增高母有
壞墮母起土功毋散大象母伐大樹是月也
天子始締命野虞出行田原為天子勞農勸
民毋或失時命司徒循行縣鄙命農勉作
毋休于都是月也驅獸毋害五穀母大田獵
農乃登麥天子乃以彘嘗麥先薦寢廟是月

也。張畜百樂靡草死麥秋至漸薄刑法十罪
出輕繫蠶事畢后妃獻繭乃收繭稅以桑為
均貴賤長幼如一以給郊廟之服是月也天
子飲耐用禮樂孟夏行秋令則苦雨數來五
穀不滋四鄙入保行冬令則草木蚤枯後乃
大水敗其城郭行春令則蝗蟲為災暴風來
格秀草不實仲夏之月日在東井昏亢中且
危中其日丙丁其帝炎帝其神祝融其蟲羽
其音徵律中蕤賓其數七其味苦其臭焦其

祀。鼙祭先肺小暑至螳螂生鵙始鳴反舌無
聲天子居明堂大廟乘朱路駕赤駟載赤旂
衣朱衣服赤玉食菽與鷄其器高以粗養壯
佼是月也命樂師脩鞀鞀均琴瑟管箏執于
臧文羽調箏笙箎簧節鍾磬祝敎命有司為
民祈祀山川百源大雩帝用盛樂乃命百縣
嗇祀百辟卿士有益於民者以祈穀實是月
也農乃登黍天子乃以雛嘗黍羞以含桃先
薦寢廟令民毋艾蓋以涿毋燒灰毋暴布門

閏月閉關市毋索挺重囚益其食游牝別群
則繫騰駒班馬改是月也日長至陰陽爭死
生分君子齊戒處必掩身毋躁止聲色毋武
進薄滋味毋致和節嗜欲定心氣百官靜事
無刑以定晏陰之所成鹿角解蟬始鳴半夏
生木莖榮是月也毋用火南方可以居高明
可以遠眺望可以升山陵可以處臺榭仲夏
行冬令則雹凍傷穀道路不通暴兵乘至行
春令則五穀晚熟百勝時起其國乃饑行秋

令則草木零落果實早成民殃於疫季夏之
月日在柳昏火中旦奎中其日丙丁其帝炎
帝其神祝融其蟲蟲羽其音徵律中林鍾其數
七其味苦其具焦其祀竈祭先肺温風始至
蟋蟀居壁鷹乃學習腐草為螢天子居明堂
左个乘朱路駕赤駟載赤旂衣朱衣服赤玉
食菽與雞其器高以粗命漁師伐蛟取鼈登
龜取鼈命澤人納材葦是月也命四監大合
百縣之秩芻以養犧牲令民無不咸出其力

以於皇天上帝名山大川四方之神以祠宗
廟社稷之靈以為民祈福是月也命婦官涿
采黼黻文章以法故無或差貸黑黃倉赤
莫不質良毋敢詐偽以給郊廟祭祀之服以
為旗章以別貴賤等給之度是月也樹木方
盛命虞人入山行木毋有斬伐不可以興土
功不可以合諸侯不可以起兵動衆毋舉大
事以擾養氣毋發令而待以妨神農之事也
水潦盛昌神農將持功舉大事則有天殃是

月也土潤溽暑大雨時行燒籬行水利以殺
草如以熟湯可以糞田疇可以美土疆季夏
行春令則穀實鮮落國多風欬民乃遷徙行
秋令則立濕水潦未稼不熟乃多女災行冬
令則風寒不時鷹雉雉蚤鷩入保中央土
其口戌己其帝黃帝其神后土其蟲倮其音
宮律中黃鍾之宮其數五其味甘其臭香其
祀中霤祭先心天子居太廟太室乘大路駕
黃駟載黃旂衣黃衣服黃玉食稷與牛其器

圖以閏孟秋之月日在翼宿達星中旦畢中
其日庚辛其帝少皞其神蓐收其蟲毛其音
商律中夷則其數九其味辛其臭腥其祀門
祭先肝涼風至白露降寒蟬鳴鷹乃祭鳥用
始行戮天子居絳章左个秉戈路駕白駘載
白旂衣白衣服白王食麻與犬其器廉以深
是日也以立秋先立秋三日太史謁之天子
曰某日立秋盛德在金天子乃齊立秋之日
天子親帥三公九卿諸侯大夫以迎秋於西

郊還反賞軍帥武人於朝天子乃命將帥選
士厲兵簡練禁後專任有功以征不義誅
暴慢以明好惡順彼遠方是日也命有司脩
法制繕囹圄具桎梏禁止姦慎罪邪務搏執
命理瞻傷察劓視折審斷決獄訟必端平戮
有罪嚴斷刑天地始肅不可以贏是日也農
乃登穀天子嘗新先薦寢廟命百官始收斂
完堤坊謹壅塞以備水潦脩宮室坏垣墻補
城郭是日也母以封諸侯立大官毋以割地

行乃使出大幣孟秋行冬令則陰氣大勝介
蟲敗穀戎兵乃來行春令則其國乃旱陽氣
復還五穀無實行夏令則國多火災寒熱不
節民多瘡疾仲秋之月日在角宿澤牛中旦
鬻觴中其日庚辛其帝少暉其神蓐收其蟲
毛其音商律中南呂其數九其味辛其臭腥
其祀門祭先肝盲風至鴻鴈來玄鳥歸群鳥
養羞天子居總章大廟乘戎路駕白駱載白
旂衣白衣服白玉食麻與犬其器廉以深是

月也養衰先授几杖行糜粥飲食乃命司服
具飭衣裳又繡有恒制有尖度有長短衣服
有量必循其故冠帶有常乃命有司申嚴而
刑斬殺必當毋或枉撓枉撓不當反受其殃
是月也乃命宰祝循行犧牲視全具按芻豢
膳肥瘠察物色必比類量小大視長短皆中
度五者備當上帝其饗天子乃難以達秋氣
以犬嘗麻先薦寢廟是月也可以等城郭達
鄙也穿竇害脩囷倉乃命有司趨民収斂務

畜業多積聚乃勸種麥母或失時其有失時
行罪無起是月也日夜分雷始收聲蟄虫坏
戶殺氣浸盛陽氣日衰水始涸日夜分則同
度量平權衡正鈞石角斗角是月也易闕市
來商旅納貨賄以便民事四方來集遠鄉皆
至則財不匱上無乏用百事乃遂凡舉大事
毋逆大數必順其時慎因其類仲秋行春令
則秋雨不降草木生榮國乃有忌行夏令則風
其國乃旱蟄蟲不藏五穀復生行冬令則風

災數起收雷先行草木蚤死季秋之月日在
房宿虛中旦柳中其日庚辛其帝少皞其神
蓐收其虫蛭毛其音商律中無射其數九其味
辛其臭腥其祀門祭先肝鴻雁耒賓爵人大
水為蛤鞠有黃華射乃祭獸戮禽天子居終
童右个來戎路駕白駱載白旂衣白衣服白
玉食麻與犬其器簾以深是月也中嚴號令
命百官貴賤無不務內以會天地之藏無有
宣出乃命冢宰農事備收舉五穀之要藏帝

籍之收於神倉祗敬必飭是月也霜始降則
百工休乃命有司曰寒氣總至民力不堪其
啓入室上丁命樂正入學習吹是月也大饗
帝嘗犧牲告備于天子合諸侯制而縣為未
歲受朔日與諸侯所稅於民輕重之法貢職
之數以遠迩土地所宜為度以給郊廟之事
無有所私是日也天子乃教於田獵以習五
戎班馬政命僕及七駟咸駕載旌苑授車以
級整設于屏外司徒播扞北面誓之天子乃

厲飾執弓挾矢以獵命主祠祭禽于四方是
月也草木黃落乃伐薪為炭螿蟊咸俯在內
咨嗟其戶乃趣獄刑毋留有罪收祿秩之不
當供養之不宜者是日也天子乃以犬嘗稻
先薦寢廟季秋行夏令則其國大水冬歲殃
敗民多勦噓行冬令則國多盜賊邊境不寧
土地分裂行春令則暖風來至民氣解惰師
興不居孟冬之日日在尾帝者中旦七星中
其日壬癸其帝顓頊其神玄冥其蟲介其音

羽律中應鍾其數六其味鹹其臭朽其祀行
祭先腎水始冰地始凍雉入大水為蜃虹藏
不見天子居玄堂左个乘玄路駕鐵驪載玄
旂衣黑衣服玄玉食黍與彘其器閑以奄是
月也以立冬先立冬三日太史謁之天子曰
某日立冬盛德在水天子乃齊立冬之日天
子親帥三公九卿大夫以迎冬於北郊還反
賞死事恤孤寡是月也命大史譽龜筮占
兆審卦吉凶是察阿黨則罪無有掩蔽是月

也天子始裘命有司曰天氣上騰地氣下降
天地不通閉塞而成冬命百官謹蓋藏命有
司循行積聚無有不斂坏城郭戒門閭脩鍵
閉慎管籥固封疆備邊竟完要塞謹關梁塞
徑徑飭喪紀辨衣裳審棺槨之厚薄塗土蠶
之大小高卑厚薄之度貴賤之等級是月也
命工師效功陳祭器按度程毋或作為淫巧
以蕩上心必功致為上物勒工名以考其誠
功有不當必行其罪以窮其情是月也大飲

烝天子乃祈来年于天宗大割祠于公社及
門閭臘先祖五祀勞農以休息之天子乃命
將帥講武習射御角力是月也乃命水虞漁
師收水泉池澤之賦毋或敢侵剝象廢兆民
以為天子取怨于下其有若此者行罪無赦
孟冬行春令則凍閉不密地氣上泄民多流
亡行夏令則國多暴風方冬不寒蟄蟲復出
行秋令則雪霜不時小丘時起土地侵削仲
冬之月日在斗宿東壁中旦較中其日壬癸

其帝顓頊其神玄冥其蟲介其音羽律中黃
鍾其數六其味鹹其臭朽其祀行祭先腎水
益壯地始圻鶡旦不鳴虎始交天子居高堂
太廟乘玄路駕鐵驪載玄旂衣黑衣服玄玉
食黍與彘其器閑以菴飭死事命有司曰土
事毋作慎毋教蓋毋教室屋及起大象以固
而閉地氣沮泄是謂菽天地之房諸螫則死
民必疾疫又隨以喪命之曰暢月是月也命
奄尹申官令審門閭謹房室必重閉省婦事

毋得淫雖有貴戚近習毋有不禁乃命大首
林希必齊麴蘗文時湛熾必潔水泉必香陶
器必良火齊必得兼用六物大首監之毋有
差貸天子命有司祈祀四海大川名源淵澤
井泉是日也農有不收藏積聚者馬牛畜獸
有放佚者取之不誅山林藪澤有能取蔬食
田獵禽獸者野虞教道之其有相侵奪者
罪之不赦是月也日短至陰陽爭詭生蕩君
子齊戒處必掩身身欲寧去聲色禁嗜欲安

形性事欲靜以待陰陽之所定嘗始生荔挺
出蚯蚓結麋角解水泉動日短至則伐木取
竹箭是月也可以器官之無事去器之無用
者塗闕廷門閤等圉圉此以助天地之閉藏
也仲冬行夏令則其國乃旱氣霧冥冥雷乃
發聲行秋令則天時雨汁冰氣不成國有大
兵行春令則蝗蟲為敗水泉減竭民多疥癩
季冬之月日在婺女昏婁中旦凶中其日壬
癸其帝顓頊其神玄冥其蟲介其音羽律中

大呂其數六其味鹹其臭朽其祀行祭先賢
鴈北鄉鵠始巢雉雞乳天子居玄堂右介
乘玄路駕鐵驪載玄旂衣服玄玉食黍
與黍其器閑以奄命有司大難彛磔出土牛
以送寒氣征鳥厲疾乃畢山川之祀及帝之
大臣天之神祇是月也命漁師始漁天子親
往乃嘗魚先薦寢廟水方盛水澤腹堅命取
冰冰以入令告民出五種命農計耦耕事脩
耒耜具田器命樂師大合吹而罷乃命四監

收秋新柴以共郊廟及百祀之薪燎是月也
日窮于次月窮于紀星回于天數將終歲
且更始專而農民毋有所使天子乃與公卿
大夫共飭國典論時令以待來歲之宜乃命
太史次諸侯之列賦之犧牲以共皇天上帝
社稷之饗乃命同姓之邦共寢廟之芻豢命
宰歷卿大夫至于庶民士田之數而賦犧牲
以共山林名川之祀凡在天下九州之民者
無不咸獻其力以共皇天上帝社稷寢廟山

林名川之祀季冬行社令則白露蚤降介蟲
為妖四鄙入保行春令則胎夭多傷國多固
疾命之曰逆行夏令則水潦敗國時雪不降
水凍消釋

曾子問第七

曾子問曰君薨而世子生如之何孔子曰卿
大夫士從攝主北面於西階南士祝禋冕執
束帛紉自西階盡等不升堂命毋哭祝聲三
告曰某之子生敢告升奠幣于墮東几二哭

降象主人卿大夫士房中皆哭不踊盡一哀
反位遂朝奠小宰升舉幣三日象主人卿大
夫士如初位北面大宰大宗大祝皆禋冕少
師奉子以衰祝先子從宰宗人從入門哭者
止子升自西階墮前北面祝立於墮東南隅
祝聲三曰某之子某從執事敢見于拜稽顙
哭祝宰宗人象主人卿大夫士哭踊三者三
降東反位皆袒子踊房中亦踊三者三襲衰
杖奠出大宰命祝史以名偏告于五祀山川

曾子問曰如已葬而世子生則如之何孔子
曰大宰大宗從大祝而告于禘三月乃名于
禘以名徧告及社稷宗廟山川孔子曰諸侯
適天子必告于祖奠于禘冕而出視朝命祝
史告于社稷宗廟山川乃命國家五官而后
行道而出告者五日而徧過是非禮也凡告
用牲幣及亦如之諸侯相見必告于禘朝服
而出視朝命祝史告于五廟所過山川亦命
國家五官道而出及必親告于祖禘乃命祝

史告至于前所告者而后聽朝而入曾子問
曰並有喪如之何何先何後孔子曰葬先輕
而後重其奠也先重而後輕禮也自啓及葬
不奠行奠不衰次及奠奠而後辭於殯遂備
葬事其虞也先重而後輕禮也孔子曰宗子
雖七十無無主婦非宗子雖無主婦可也曾
子問曰將冠子冠者至揖讓而入聞齊衰大
功之喪如之何孔子曰內喪則廢外喪則冠
而不醴徹饌而掃即位而哭如冠者未至則

嚴如將冠子而未及期日而有齊衰大功小
功之喪則因喪服而冠除喪不改冠乎孔子
曰天子賜諸侯大夫冕弁服於太廟歸設奠
服賜服於斯字有冠醮無冠醴父沒而冠則
已冠婦地而祭於禘已祭而見伯父叔父而
后饗冠者曾子問曰祭如之何則不行祿酬
之事矣孔子曰聞之小祥者主人練祭而不
祿奠酬於賓賓席舉禮也昔者魯昭公練而
舉酬行旅非禮也孝公大祥奠酬弗舉亦非

禮也曾子問曰大功之喪可以與於饋奠之
事乎孔子曰豈大功耳自斬衰以下皆可禮
也曾子曰不以輕服而重相為乎孔子曰非
此之謂也天子諸侯之喪斬衰者奠大夫齊
衰者奠士則朋友奠不足則取於大功以下
者不足則反之曾子問曰小功可以與於祭
乎孔子曰何必小功耳自斬衰以下與祭禮
也曾子曰不以輕喪而重祭乎孔子曰天子
諸侯之喪祭也不斬衰者不與祭大夫齊衰

者與祭士祭不足則取於兄弟大功以下者
曾子問曰相識有喪服可以與於祭乎孔子
曰總不祭又何助於人曾子問曰廢喪服可
以與於饋奠之事乎孔子曰說衰與奠非禮
也以擯相可也曾子問曰昏禮既納幣有吉
日女之父母死則如之何孔子曰昏使人吊
如昏之父母死則女之家亦使人吊父母稱
父母喪稱母父母不在則稱伯父世母昏已
葬昏之伯父致命女氏曰某之子有父母之

喪不得嗣為兄弟使其致命女氏許諾而弗
敢嫁禮也昏免喪女之父母使人請昏弗取
而后嫁之禮也女之父母死昏亦如之曾子
問曰親迎女在塗而昏之父母死如之何孔
子曰女改服布深衣編總以趁喪女在塗而
女之父母死則女及如昏親迎女未至而有
齊衰大功之喪則如之何孔子曰男不入改
服於外次女入改服於內次然後即位而哭
曾子問曰除喪則不復昏禮乎孔子曰祭過

時不祭禮也又何友於初孔子曰嫁女之家
三夜不息燭思相離也取婦之家三日不舉
樂思嗣親也三月而廟見稱未婦也擇日而
祭於禘成婦之義也曾子問曰女未廟見而
死則如之何孔子曰不遷於祖不祔於皇姑
昏不杖不菲不次歸葬于女氏之黨示未成
婦也曾子問曰取女有吉日而女死如之何
孔子曰昏齊衰而吊既葬而除之夫死亦如
之曾子問曰喪有二孤廟有二主禮與孔子

曰天無二日土無二王嘗禘郊社尊無二上
未知其為禮也昔者齊桓公亟舉兵作偽主
以行及反藏諸祖廟廟有二主自桓公始也
喪之二孤則昔者衛靈公適魯遭季桓子之
喪衛君請弔哀公辭不得命公為主客入弔
康子立於門右北面公揖讓升自東階西鄉
客升自西階弔公拜興哭季子拜稽顙於位
有司弗禱也今之二孤自季康子之過也曾
子問曰古者師行必以遷廟主行乎孔子曰

天子巡守以遷廟主行載于齊車言必有尊也今也取七廟之主以行則失之矣當七廟五廟無虛主虛主者惟天子崩諸侯薨與去其國與祫祭於祖為無主耳吾聞諸老聃曰天子崩國君薨則祝取羣廟之主而藏諸祖廟禮也卒哭成事而后主各反其廟君去其國太宰取群廟之主以從禮也祫祭於祖則祝迎四廟之主出廟入廟必蹕老聃云曾子問曰古者師行無遷主則何主孔子曰主

命問曰何謂也孔子曰天子諸侯將出必以幣帛皮車告于祖禘遂奉以出載于齊車以行每舍奠焉而後就舍及必告設奠卒斂幣玉藏諸兩階之間乃出蓋貴命也子游問曰喪慈母如母禮與孔子曰非禮也古者男子外有傳內有慈母君命所使教子也何服之有昔者魯昭公少喪其母有慈母良及其死也公弗忍也欲喪之有司以聞曰古之禮慈母無服今也君為之服是違古之禮而亂國

法也若終行之則有司將書之以遺後世毋
乃不可守公曰古者天子練冠以燕居公不
忍也遂練冠以喪慈母喪慈母自魯昭公始
也曾子問曰諸侯祿見天子入門不得終禮
廢者幾孔子曰四請問之曰太廟火日食后
之喪兩霑服失容則廢如諸侯在而日食
則從天子救日各以其方色與其兵太廟火
則從天子救火不以方色與兵曾子問曰
諸侯相見揖讓入門不得終禮廢者幾孔子

曰六請問之曰天子崩大廟火日食后夫人
之喪兩霑服失容則廢曾子問曰天子嘗禘
郊社五祀之祭簋簠既陳天子崩后之喪如
之何孔子曰廢曾子問曰當祭而日食大廟
火其祭也如之何孔子曰接祭而已矣如牲
至未殺則廢天子崩未殯五祀之祭不行既
殯而祭其祭也尸入三飯不侑醕不酢而已
矣自啓至于反哭五祀之祭不行已葬而祭
祝畢獻而已曾子問曰諸侯之祭社稷俎豆

既陳聞天子崩后之喪君薨夫人之喪如之
何孔子曰廢自薨比至于殯自啓至于反哭
奉帥天子曾子問曰大夫之祭鼎俎既陳籩
豆既設不得成禮廢者幾孔子曰九請問之
曰天子崩后之喪君薨夫人之喪君之大廟
火日食三年之喪齊衰大功皆廢外喪自齊
衰以下行也其齊衰之祭也尸入三飯不侑
醕不酢而已矣大功酢而已矣小功緦室中
之事而已矣士之所以異者總不祭所祭於

死者無服則祭曾子問曰三年之喪吊乎孔
子曰三年之喪練不群立不祿行君子禮以
飾情三年之喪而吊哭不亦虐乎曾子問曰
大夫士有私喪可以除之矣而有君服焉其
除之也如之何孔子曰有君喪服於身不敢
私服又何除焉於是乎有過時而弗除也君
之喪服除而后殷祭禮也曾子問曰父母之
喪弗除可乎孔子曰先王制禮過時弗舉禮
也非弗能勿除也患其過於制也故君子過

時不祭禮也曾子問曰君薨既殯而臣有父母之喪則如之何孔子曰歸居于家有啟事則之君所朝夕否曰君既啓而臣有父母之喪則如之何孔子曰歸哭而反送君曰君未殯而臣有父母之喪則如之何孔子曰歸殯反于君所有啟事則歸朝夕否大夫室老行事士則子孫行事大夫內子有啟事亦之君所朝夕否賤不誄貴幼不誄長禮也唯天子稱天以誄之諸侯相誄非禮也曾子問曰君出

疆以三年之戒以禘從君薨其入如之何孔子曰共殯服則子麻弁經疏衰菲杖入自闕升自西階如小斂則子免而從柩入自門升自阼階君大夫士一節也曾子問曰君之喪既引聞父母之喪如之何孔子曰遂既封而歸不俟子曾子問曰父母之喪既引及塗聞君薨如之何孔子曰遂既封改服而往曾子問曰宗子為士庶子為大夫其祭也如之何孔子曰以上牲祭於宗子之家祝曰孝子某為

介子某薦其常事若宗子有罪居於他國庶
子為大夫其祭也祝曰孝子某使介子某執
其常事攝主不厭祭不祿不假不綏祭不配
布奠於賓賓奠而不舉不歸肉其辭于賓曰
宗兄宗弟宗子在他國使某辭曾子問曰宗
子去在他國庶子無爵而居者可以祭乎死
子曰祭哉請問其祭如之何孔子曰望墓而
為壇以時祭若宗子死告於墓而後祭於家
宗子死稱名不言孝身沒而已子游之徒有

庶子祭者以此若義也今之祭者不首其義
故誣於祭也曾子問曰祭必有尸乎若厭祭
亦可乎孔子曰祭成喪者必有尸尸必以孫
孫幼則使人抱之無孫則取於同姓可也祭
殤必厭蓋弗成也祭成喪而無尸是殤之也
孔子曰有陰厭有陽厭曾子問曰殤不祔祭
何謂陰厭陽厭孔子曰宗子為殤而死庶子
不為後也其吉祭特牲祭殤不舉無所俎無
玄酒不告利成是謂陰厭凡殤與無後者祭

於宗子之家當室之白尊于東房是謂陽殿
曾子問曰葬引至于廡日有食之則有變乎
且守孔子曰昔者吾從老聃助葬於蒼廡
及廡日有食之老聃曰丘止柩就道右止哭
以聽變既朋友而後行曰禮也及葬而丘問
之曰夫柩不可以不反者也曰有食之不知
其已之遲數則豈如行哉老聃曰諸侯朝天
子見日而行逮日而舍奠大夫使見日而行
逮日而舍夫柩不蚤出不莫宿見星而行者

唯罪人與奔父母之喪者守日有食之安知
其不見星也且君子行禮不以人之親戚患
吾聞諸老聃云曾子問曰為君使而卒於舍
禮曰公館復私館不復凡所使之國有司所
授舍則公館已何謂私館不復也孔子曰善
子問之也自卿大夫士之家曰私館公館與
公所為曰公館公館復此之謂也曾子問曰
下殤士周葬于園遂輿櫬而往塗通故也今
墓遠則其葬也如之何孔子曰吾聞諸老聃

曰昔者史佚有子而死下殤也墓遠召公謂
之曰何以不棺斂於宮中史佚曰吾敢乎哉
召公言於周公周公曰豈不可史佚行之下
殤用棺衣棺自史佚始也曾子問曰卿大夫
將考尸於公受宿矣而有齊衰內喪則如之
何孔子曰出舍於公館以待事禮也孔子曰
尸升冕而出卿大夫士皆下之尸必式必有
前驅子夏問曰三年之喪卒哭金革之事無
辟也者禮與初有司與孔子曰夏后氏三年

之喪既殯而致事殷人既葬而致事記曰君
子不奪人之親亦不可奪親也此之謂子子
夏曰金革之事無辟也者非與孔子曰吾聞
諸老聃曰昔者魯公伯禽有考考之也今以
三年之喪從其利者吾弗知也

文王世子第八

文王之為世子朝於王季曰三鷄初鳴而衣
服至於寢門外問內豎之御者曰今日安否
何如內豎曰安文王乃喜及日中又至亦如

之及莫又至亦如之其有不安節則內監以告文王文王色憂行不能正履王季復膳然後亦復初食上女在視寒煖之節食下問所膳命膳宰曰未有原應曰諾然後退武王帥而行之不敵有加焉文王有疾武王不說冠帶而養文王一飯亦一飯文王再飯亦再飯旬有二日乃間文王謂武王曰女何夢矣武王對曰夢帝與我九齡文王曰女以爲何也武王曰西方有九國焉君王其終撫諸文王

曰非也古者謂年齒齒亦齡也秋百爾九十吾與爾三焉文王九十七乃終武王九十三而終成王幼不能莅祿周公相踐阼而治抗世子法於伯禽欲令成王之知父子君臣長幼之道也成王有過則撻伯禽所以示成王世子之道也文王之爲世子也凡學世子及學士必時春夏學于文秋冬學羽籥皆於東序小樂正學于大胥贊之籥師學文籥師丞贊之胥鼓南春誦夏絃大師詔之瞽宗秋學

禮執禮者詔之冬讀書典書者詔之禮在瞽
宗書在上庠凡祭與養老乞言合語之禮皆
小樂正詔之於東序大樂正學舞于殿詔既
命乞言皆大樂正授數大司成論說在東序
凡侍坐於大司成者遠近間三席可以問終
則負牆列事未盡不問凡學春官釋奠于其
先師秋冬亦如之凡始立學者必釋奠于先
聖先師及行事必以幣凡釋奠者必有合也
有國故則否凡大合樂必遂養老凡語于郊

者必取賢斂才焉或以德進或以事舉或以
言揚曲藝皆誓之以待又語三而一有焉乃
進其等以其序謂之郊人遠之於成均以及
取爵於上尊也始立學者既興器用幣然後
釋菜不舞不授器乃退饋于東序一獻無介
語可也教世子凡三王教世子必以禮樂樂
所以脩內也禮所以脩外也禮樂交錯於中
發形於外是故其成也懌恭敬而溫文立太
傅少傅以養之欲其知父子君臣之道也太

傳審父子君臣之道以示之少傅奉世子以
觀太傅之德行而審喻之太傅在前少傅在
後入則有保出則有師是以教喻而德成也
師也者教之以事而喻諸德者也保也者順
其身以輔翼之而歸諸道者也記曰虞夏商
周有師保有疑丞設四輔及三公不世備唯
其人語使能也君子曰德德成而教尊教尊
而官正官正而國治君之謂也仲尼曰昔者
周公攝政踐阼而治抗世子法於伯禽所以

善成王也聞之曰為人臣者殺其身有益於君則為
之况于其身以善其君乎周公優為之是故知為人
子然後可以為人父知為人臣然後可以為人君
知事人然後能使人成王幼不能蒞阼以為世子則
無為也是故抗世子法於伯禽使之與成王居欲
令成王之知父子君臣長幼之義也君之於世子也
親則父也尊則君也有父之親有君之尊然後兼天
下而有之是故養世子不可不慎也行一物而三善皆
得者唯世子而已其齒於學之謂也故世子齒於

學國人觀之曰將君我而與我齒讓何也曰
有父在則禮然然而象知父子之道矣其二
曰將君我而與我齒讓何也曰有君在則禮
然然而象著於君臣之美我也其三曰將君我而與
我齒讓何也曰長長也然而象知長幼之節矣故父
在斯為子君在斯謂之臣居子與臣之節所以尊
君親親也故學之為父子焉學之為君臣焉學
之為長幼焉父子君臣長幼之道得而國治諸
曰樂正司業父師司成一有元良萬國以貞世

子之謂也周公踐阼廢子之正於公族者教
之以孝弟睦友子受明父子之義長幼之序
其朝于公內朝則東面北上臣有貴者以齒
其在外朝則以官司士為之其在宗廟之中
則如外朝之位宗人授事以爵以官其登餼
獻受爵則以上嗣廢子治之雖有三命不踰
父兄其公大事則以其喪服之精麇為序雖
於公族之喪亦如之以次主人若公與族黨
則異姓為賓膳宰為主人公與父兄齒族

食世降一等其在軍則守於公稱公若有出疆之政廢于以公族之無事者守於公宮正室守太廟諸父守貴宮貴室諸子諸孫守下宮下室五廟之孫祖廟未毀雖考廢人冠取妻必告死必赴練祥則告族之相考也宜吊不吊宜免不免有司罰之至于賄賂承舍皆不正焉公族其有死罪則磔于甸人其刑罪則繼割亦告于甸人公族無官刑殺成有司讞于公其死罪則曰某之罪在大辟其刑罪

則曰某之罪在小辟公曰宥之有司又曰在辟公又曰宥之有司又曰在辟及三宥不對走出致刑于甸人公又使人追之曰雖然必赦之有司對曰無及也及命于公公素服不舉考之變如其倫之喪無服親哭之公族朝于內朝內親也雖有貴者以齒明父子也外朝以官體異姓也宗廟之中以爵為位崇德也宗人授事以官尊賢也登餼受爵以上副尊祖之道也喪紀以服之輕重為序不奪人

親也公與族燕則以齒而孝弟之道達矣其
族食世降一等親親之殺也戰則守於公浦
孝愛之深也正室守大廟尊宗室而君臣之道
著矣諸父諸兄守貴室子弟守下室而讓道
達矣五廟之孫祖廟未毀雖及庶人冠取妻
必告死必赴不忘親也親未絕而列於庶人賤
無能也敬吊臨賻贈睦友之道也古者庶子之
官治而邦國有倫邦國有倫而象卿方矣公族
之罪雖親不以犯有司正術也所以體百姓

也刑于隱者不與國人慮兄弟也弗而弗為
服哭于異姓之廟為忝祖遠之也素服居外
不聽樂私喪之也骨肉之親無絕也公族無
官刑不翦其類也天子視學大昕鼓徵所以
警衆也衆至然後天子至乃命有司行事興
秩節發先師先聖焉有司卒事及命始之養
也適東序釋奠於先老遂設三老五更羣老
之席位焉適饌省醴養老之珍具遂養咏焉
退脩之以孝養也及登歌清廟既歌而語以

成之也言父子君臣長幼之道合德音之致
禮之大者也下管象舞大武大合象以事達
有神興有德也正君臣之位貴賤之等焉而
上下之義行矣有司告以樂闋王乃命公侯
伯子男及羣吏曰及養老幼于東序終之以
仁也是故聖人之記事也慮之以大愛之以
敬行之以禮脩之以孝養紀之以義終之以
仁是故古之人一舉事而象皆知其德之備
也古之君子舉大事必慎其終始而象安得

不諭焉先命曰念終始典于學世子之記曰
朝夕至于大寢之門外問於內監曰今日安
否何如內監曰今日安世子乃有喜色其有
不安節則內監以告世子世子色憂不滿容
內監言復初然後亦復初朝夕之食上世子
必在視寒煖之節食下問所膳羞必知所進
以命膳宰然後退若內監言疾則世子親齊
玄而養膳宰之饌必敬視之疾之藥必親嘗
之常饌善則世子亦能食常饌寡世子亦不

能能以至于復初然後亦復初

禮運第九

昔者仲尼與於蜡賓事畢出遊於觀之上喟
然而嘆仲尼之嘆蓋嘆魯也言偃在側曰君
子何嘆孔子曰大道之行也與三代之英立
未之逮也而有志焉大道之行也天下為公
選賢與能講信脩睦故人不獨親其親不獨
子其子使老有所終壯有所用幼有所長矜
寡孤獨廢疾者皆有所養男有分女有歸貨

惡其棄於地也不必藏於己力惡其不出於
身也不必為己是故謀閉而不興盜竊亂賊
而不作故外戶而不閉是謂大同今大道既
隱天下為家各親其親各子其子貨力為己
大人世及以為禮城郭溝池以為固禮義以
為紀以正君臣以篤父子以睦兄弟以和夫
婦以設制度以立田里以賢勇知以功為己
故謀用是作而兵由此起禹湯文武成王周
公由此其選也此六君子者未有不謹於禮

者也以著其義以考其信著有過刑仁講讓
亦民有常如有不由此者在勢者去象以爲
殃是謂小康言偃復問曰如此乎禮之意也
孔子曰夫禮先王以承天之道以治人之情
故失之者死得之者生詩曰相鼠有體人而
無禮人而無禮胡不遄死是故夫禮必存於
天殺於地列於鬼神達於喪祭射御冠昏朝
聘故聖人以禮示之故天下國家可得而正
也言偃復問曰夫子之極言禮也可得而聞

歟孔子曰我欲觀夏道是故之杞而不三徵
也吾得夏時焉我欲觀殷道是故之宋而不
三徵也吾得坤乾焉坤乾之義夏時之等吾
以是觀之夫禮之初始諸飲食其燔黍捭豚
汙尊而抔飲蕡桴而士鼓猶若可以致其敬
於鬼神及其死也升屋而號告曰皋某復然
後斂腥而苴孰故天墜而地藏也體魄則降
知氣在上故死者北首生者南鄉皆從其初
昔者先王未有宮室冬則居營窟夏則居橧

巢未冇火化食草木之實鳥獸之肉飲其血
茹其毛未有麻絲衣其羽皮後聖冇作然後
脩火之利范金合土以爲臺榭宮室牖戶以
炮以燔以亨以炙以爲醴酪治其麻絲以爲
布帛以養生送死以事鬼神上帝皆從其朔
故玄酒在室醴醖在戶粢醖在堂澄酒在下
陳其犧牲備其鼎俎列其琴瑟管磬鍾鼓脩
其祝嘏以降上神與其先祖以正君臣以篤
父子以睦兄弟以齊上下夫婦有所是謂承

天之祐作其祝號玄酒以祭薦其血毛腥其
俎執其敬與其越席疏布以幕衣其斝皐醴
醖以獻薦其燔炙君與夫人交獻以嘉魂魄
是謂合莫也後退而合亨醴其大豕牛羊實
其簠簋豆鉶羹祝以孝告蠲以慈告是謂
大祥此禮之大成也孔子曰嗚呼哀哉我觀
周道函厲傷之吾舍魯何適矣魯之郊禘非
禮也周公其衰矣祀之郊也禹也宋之郊也
契也是天子之事守也故天子祭天地諸侯

祭社稷祝蠡莫敢易其常古是謂大倣祝噉
辭說藏於宗祝巫史非禮也是謂幽國酸孽
及尸君非禮也是謂僭君冕弁兵革藏於私
家非禮也是謂脅君大夫具官祭器不倣聲
樂皆具非禮也是謂亂國故仕於公曰臣仕
於家曰僕三年之喪與新有昏者期不使以
衰裳入朝與家僕雜居齊齒非禮也是謂君
與臣同國故天子有田以處其子孫諸侯有
國以處其子孫大夫有采以處其子孫是謂

制度故天子適諸侯必舍其祖廟而不以禮
籍入是謂天子壞法亂紀諸侯非問疾吊喪
而入諸臣之家是謂君臣考譖是故禮者君
之大柄也所以別嬖明微儼鬼神考制度別
仁義所以治政安君也故政不正則君位危
君位危則大臣倍小臣竊刑肅而俗弊則法
無常法無常而禮無列禮無列則士不事也
刑肅而俗敬則民弗歸也是謂疵國故政者
君之所以藏身也是故夫政必本於天教以

降命命降于社之謂穀地降于祖廟之謂仁
義降於山川之謂興作降於五祀之謂制度
此聖人所以藏身之固也故聖人參於天地
並於鬼神以治政也處其所存禮之序也玩
其所樂民之治也故天生時而地生財人其
父生而師教之四者君以正用之故君者立
於無過之地也故君者所明也非明人者也
君者所養也非養人者也君者所事也非事
人者也故君明人則有過養人則不足事人

則失位故百姓則君以自治也養君以自安
也事君以自顯也故禮達而分定故人皆愛
其死而患其生故用人之知去其詐用人之
勇去其怒用人之仁去其貪故國有患君死
社稷謂之義大夫死宗廟謂之褒故聖人耐
以天下考一家以中國考一人者非意之也
必知其情辟於其義明於其利達於其患然
後能考之何謂人情喜怒哀懼愛惡欲七者
弗學而能何謂人義父慈子孝兄良弟悌夫

義婦聽長惠幼順君仁臣忠十者謂之人義
講信脩睦謂之人利爭奪相殺謂之人患故
聖人之所以治人七情脩十義講信脩睦尚
慈讓去爭奪舍禮何以治之飲食男女人之
大欲存焉死亡貧苦人之大惡存焉故欲惡
者心之大端也人藏其心不可測度也義惡
皆在其心不見其色也欲一以窮之舍禮何
以哉故人者其天地之德陰陽之交鬼神之
會五行之秀氣也故天秉陽垂日星地秉陰

竅於山川播五行於四時和而後月生也是以三五
而盈三五而闕五行之動迭相竭也五行四時十二月
還相為本也五聲六律十二管還相為宮也五味六和
十二食還相為質也五色六章十二衣還相為質也
故人者天地之心也五行之端也食味別聲被色而生
者也故聖人作則文以天地為本以陰陽為端以四時
為柄以日星為紀月以爲量鬼神以爲徒五行以爲
質禮義以爲憲人情以爲田四靈以爲畜以
天地為本故物可舉也以陰陽為端故情可

時也以四時為柄故事可勸也以日星為紀
故事可刑也日以為量故功有藝也鬼神以
為徒故事可守也五行以為質故事可復也
禮義以為器故事行有考也人情以為田故
人以為輿也四靈以為畜故飲食有由也何
謂四靈麟鳳龜龍謂之四靈故龍以為畜故
魚鮪不為鳳以為畜故鳥不為麟以為畜故
獸不為龜以為畜故人情不失故先
王素著龜列祭祀歷繒宣祝嚴

辭說設制度故國有禮官有御事有職禮有
序故先王憲禮之不違於下也故祭帝於郊
所以定天位也祀社於國所以列地利也祖
廟所以本仁也山川所以備畧神也五祀所
以本事也故宗祝在廟三公在朝三老在學
王前巫而後史卜筮瞽侑皆在左右王中心
無考也以守至正故禮行於郊而百神受職
焉禮行於社而百貨可極焉禮行於祖廟而
孝慈服焉禮行於五祀而正法則焉故自郊

社祖廟山川五祀義之脩而禮之歲也是故
夫禮必本於大一分而為天地轉而為陰陽
變而為四時列而為鬼神其降曰命其官於
天也夫禮必本於天動而之地列而之事履
而從時協於分藝其居人也曰養其行之以
貨方辭讓飲食冠昏喪祭射御朝聘故禮義
也者人之大端也所以講信脩睦而固人之肌
膚之會筋骸之束也所以養生送死事鬼神
之大端也所以達天道順人情之大綱也故

唯聖人吾知禮之不可以已也故壞國喪家
亡人必先去其禮故禮之於人也猶酒之有
藥也君子以厚小人以薄故聖王脩義之柄
禮之序以治人情故人情者聖王之田也脩
禮以耕之陳義以種之講學以耨之本仁以
聚之播樂以安之故禮也者義之實也協諸
義而協則禮雖先王未之有可以義起也義
者藝之分仁之節也協於藝講於仁得之者
強仁者義之本也順之體也得之者尊故治

國不以禮猶無耜而耕也為禮不本於義猶
耕而弗種也為義而弗講之以學猶種而弗
耨也講之以學而弗合之以仁猶耨而弗獲
也合之以仁而弗安之以樂猶獲而弗食也
安之以樂而弗達於順猶食而弗肥也四體
既正膚革充盈人之肥也父子篤兄弟睦夫
婦和家之肥也大臣法小臣廉官職相序君
臣相正國之肥也天子以德考車以樂考御
諸侯以禮相與大夫以法相序士以信相考

百姓以睦相守天下之肥也是謂大順大順
者所以養生送死事鬼神之常也故事大積
焉而不苑並行而不謀細行而不失深而通
茂而有間連而不相及也動而不相害也此
順之至也故明於順然後能守危也故禮之
不同也不豐也不殺也所以持情而合危也
故聖王所以順山者不使居川不使涖者居
中原而弗蔽也用水火金木飲食必時合男
女頒爵位必當年德用民必順故無水旱昆

毒之災民無凶饑妖孽之疾故天不受其道
地不受其寶人不愛其情故天降膏露地出
醴泉山出器車河出馬圖鳳凰麒麟皆在郊
極龜龍在宮沼其餘鳥獸之卵胎皆可俯而
關也則是無故先王能脩禮以達義體信以
達順故此順之寶也

禮器第十

禮樂是故大備大備盛德也禮釋曰增美質
措則正施則行其在人也如竹箭之有筠也

如松柏之有心也二者居天下之大端矣故
貫四時而不改柯易葉故君子有禮則外諸
而內無怨故物無不懷仁鬼神饗德先王之
立禮也有本有文忠信禮之本也義理禮之
文也無本不立無文不行禮也者合於天時
設於地財順於鬼神合於人心理萬物者也
是故天時有生也地理有宜也人官有能也
物曲有利也故天不生地不養君子不以爲
禮鬼神弗饗也居山以魚鼈爲禮居澤以鹿

豕考禮君子謂之不知禮故必舉其定國之
數以考禮之大經禮之大備以地廣狹禮之
薄厚與年之上下是故年雖大殺象不匡懼
則上之制禮也節矣禮時考大順次之體次
之宜次之稱次之竟授舜舜授禹湯放桀武
王伐紂時也詩云匪草其猶幸迨來考天地
之祭宗廟之事父子之道君臣之義倫也社
稷山川之事鬼神之祭體也喪祭之用賓客
之交義也羔豚而祭百官皆是大牢而祭不

必有餘此之謂稱也諸侯以龜考寶以圭考
瑞家不寶龜不藏圭不墜門言有稱也禮有
以多考貴者天子七廟諸侯五大夫三士一
天子之豆二十有六諸公十有六諸侯十有
二上大夫八下大夫六諸侯七介七牢大夫
五介五牢天子之席五重諸侯之席三重大
夫再重天子崩七月而葬五重八翬諸侯五
月而葬三重六翬大夫三月而葬再重四翬
此以多考貴也有以少考貴者天子與介祭

天特牲天子通諸侯諸侯膳以饋諸侯相朝
醴用鬱鬯無薑豆之薦大夫聘禮以脯醢天
子一食諸侯再大夫士三食力無數大路繁
纓一就次路繁纓七就圭璋特琥璜爵鬼神
之祭單席諸侯視朝大夫特士祿之此以少
為貴也有以大為貴者宮室之量器皿之度
棺槨之厚丘封之大此以大為貴也有以小
為貴者宗廟之祭貴者獻以爵賤者獻以散
尊者舉觶卑者舉角五獻之尊門外在門內

壺君尊瓦甒此以小為貴也有以高為貴者
天子之堂九尺諸侯七尺大夫五尺士三尺
天子諸侯基門此以高為貴也有以下為貴
者至敬不壇掃地而祭天子諸侯之尊廢禁
大夫士樹禁此以下為貴也禮有以文為貴
者天子龍衮諸侯黼大夫黻士玄衣纁裳天
子之冕朱紱藻十有二旒諸侯九上大夫七
下大夫五此以文為貴也有以素為貴者至
敬無文父黨無容大圭不琢大圭不和大路

素而越席犧尊疏布鼎禴杓此以素為貴也
孔子曰禮不可不省也禮不同不豐不殺此
之謂也蓋言稱也禮之以多為貴者以其外
心者也德發揚詡萬物大理物博如此則得
不以多為貴乎故君子樂其發也禮之以少
為貴者以其內心也德產之致也精微觀天
下之物無可以稱其德者如此則得不以少
為貴乎是故君子慎其獨也古之聖人內之
為尊外之為樂少之為貴多之為美是故先

王之制禮也不可多也不可寡也唯其稱也
是故君子大牢而祭謂之禮匹士大牢而祭
謂之饗管仲鑊簋朱紘山節藻梲君子以為
濫矣晏平仲祀其先人豚肩不掩豆澣衣濯
冠以朝君子以為隘矣是故君子之行禮也
不可不慎也象之紀也紀微而衆亂孔子曰
我戰則克祭則受福蓋得其道矣君子曰祭
祀不祈不麾蚤不樂葆大不善嘉事牲不芘
肥大薦不美多品孔子曰臧文仲安知禮夏

父弗綦逆祀而弗止也燔柴於奧夫與者老
婦之祭也盛於盆尊於瓶禮也者猶體也體
不備君子謂之不成人設之不當猶不備也
禮有大有小有顯有微大者不可損小者不
可益顯者不可掩微者不可大也故經禮三
百曲禮三千其致一也未有入室而不由戶
者君子之於禮也有所錫情盡慎致其敬而
誠若有義而文而誠若君子之於禮也有直
而行也有曲而殺也有經而等也有順而討

也有擗而播也有推而進也有效而文也有
效而不致也有順而撥也三代之禮一也民
共由之或素或青夏造殷因周堅尸詔侑武
方其禮亦必其道一也夏立尸而率祭殷坐
尸周旅酬六尸曾子曰周禮其猶醜與君子
曰禮之近人情者非其至者也郊血大饗腥
三獻爛一獻孰是故君子之於禮也非作而
致其情也此有由始也是故七介以相見也
不然則已懸三辭三讓而至不然則已壓故

魯人將有事於上帝必先有事於禩宮晉人
將有事於河必先有事於惡池齊人將有事
於泰山必先有事於配林三月繫七日戒三
日宿慎之至也故禮有擯詔樂有相步盪之
至也禮也者反本脩古不忘其初者也故凶
事不詔朝事以樂醴酒之用玄酒之尚割刀
之用寘刀之貴莞箚之安而藻鞞之設是故
先王之制禮也必有主也故可述而多學也君
子曰無節於內者觀物弗之察矣欲察物而

不由禮弗之得矣故作事弗以禮弗之敬矣
出言不以禮弗之信矣故曰禮也者物之致
也是故昔先王之制禮也因其財物而致其
義焉爾故作大事必順天時為朝夕必放於
日月為高必因丘陵為下必因川澤是故天
時雨澤君子達亶亶焉是故昔先王尚有德
尊有道任有能舉賢而置之衆象而誓之是
故因天事天因地事地因名山升中于天因
吉土以饗帝于郊升中于天而鳳凰降龜龍

傲饗帝于郊而風雨節寒暑時是故聖人南
面而立而天下大治天道至教聖人至德廟
堂之上壘尊在阼犧尊在西廟堂之下縣鼓
在西應鼓在東君在阼夫人在房大明生於
東月生於西此陰陽之分夫婦之位也君西
酌犧象夫人東酌壘尊禮交動乎上樂交應
乎下和之至也禮也者友其所自生樂也者
樂其所自成是故先王之制禮也以節事脩
樂以道志故觀其禮樂而治亂可知也蘧伯

全曰君子之人達故觀其器而知其工之巧
觀其發而知其人之知故曰君子慎其所以
與人者太廟之內敬矣君親牽牲大夫贊幣
而從君親制祭夫人薦盎君親割牲夫人薦
酒卿大夫從君命婦從夫人洞洞乎其敬也
屬屬乎其忠也勿勿乎其欲其饗食之也納
牲詔於庭血毛詔於室羹定詔於堂三詔皆
不同位蓋道未而未之得也設祭於堂者行
乎外故曰於彼乎於此乎一獻質三獻文五

獻祭七獻神大饗其王事與三牲魚腊四海
九州之美味也籩豆之薦四時之和氣也內
奎示和也束帛加璧尊德也龜考前列先知
也金次之見情也丹漆絲纒竹箭與象共財
也其餘無常貨各以其國之所有則致遠物
也其出也肆夏而送之蓋重禮也祀帝于郊
敬之至也宗廟之祭仁之至也喪禮忠之至
也備服審仁之至也賓客之用幣義之至也
或君子欲觀仁義之道禮其本也君子曰甘

侵和白受未忠信之人可以學禮者無忠信
之人則禮不虛道是以得其人之為貴也孔
子曰誦詩三百不足以一獻一獻之禮不
足以大饗大饗之禮不足以大祿大祿具矣不
足以饗帝毋輕議禮子路為季氏宰季氏祭
逮闇而祭日不足繼之以燭雖有強力之容
肅敬之心皆倦矣矣有司跛倚以臨祭其為
不敬大矣他日祭子路與室事交于尸室事
交于階奠明而始行事晏朝而退孔子聞之

曰誰謂由也而不知禮乎

郊特牲第十一

郊特牲而社稷大牢天子適諸侯諸侯膳用
犢諸侯適天子天子賜之禮大牢貴誠之義
也故天子牲亦弗食也祭帝弗用也大路繁
纓一就先路三就次路五就郊血大饗腥三
獻爛一獻孰至敬不饗味而貴氣臭也諸侯
為賓灌用鬱鬯灌用臭也大饗尚賡脩而已
矣大饗君三重席而酢焉三獻之介君專席

而酢焉此降尊以就卑也饗禘有樂而食嘗
無樂陰陽之義也凡飲養湯氣也凡食養陰
氣也故春禘而秋嘗春饗孤子秋食耆老其
義一也而食嘗無樂飲養湯氣也故有樂食
養陰氣也故無聲凡聲湯也罪俎奇而蓬豆
偶陰陽之義也蓬豆之實水土之品也不敢
用藜味而貴多品所以交於旦明之義也賓
入大門而葵肆夏示易以敬也卒爵而樂闋
孔子屢歎之奠酬而工升歌發德也歌者在

上韜竹在下貴人聲也樂由陽來者也禮由陰作者也陰陽和而萬物得旅幣無方所以別土地之宜而節遠通之期也龜考前列先知也以鍾次之以和居參之也虎豹之皮亦服猛也束帛加璧旌德也庭燎之百由齊桓公始也大夫之奏肆夏也由趙文子始也朝覲大夫之私覲非禮也大夫執圭而使所以申信也不敢私覲所以致敬也而庭實私覲尙焉乎諸侯之庭為人臣者無外交不敢戴

君也大夫而饗君非禮也大夫強而君殺之義也由三桓始也天子無客禮莫敢為主焉君通其臣升自作階不敢有其室也覲禮天子不下堂而見諸侯下堂而見諸侯天子之失禮也由夷王以下諸侯之宮縣而祭以白牡擊玉磬朱干設錫冕而舞大武乘大路諸侯之僭禮也臺門而旅樹反坫繡黼丹朱中衣大夫之僭禮也故天子微諸侯僭大夫強諸侯脅於此相貴以等相覲以貨相賂以利

而天下之禮亂矣諸侯不敢祖天子大夫不
敢祖諸侯而公廟之設於私家非禮也由三
桓始也天子存二代之後猶尊賢也尊賢不
過二代諸侯不臣厲公故古者厲公不繼世
君之南鄉答陽之義也臣之北面答君也大
夫之臣不稽首非尊家臣以辟君也大夫有
獻弗親君有賜不面拜為君之答已也鄉人
禘孔子朝服立于阼存室神也孔子曰射之
以樂也何以聽何以射孔子曰士使之射不

能則辭以疾辟私之義也孔子曰三日齊一
日用之猶恐不敬二日伐鼓何居孔子曰繹
之於庫門內禘之於東方朝市之於西方失
之美社祭土而主陰氣也君南鄉於北牖下
答陰之義也日用甲用日之始也天子大社
必受霜露風雨以達天地之氣也是故喪國
之社屋之不受天陽也薄社北牖使陰明也
社所以神地之道也地載萬物天垂象取財
於地取法於天是以尊天而親地也故教民

義報焉家主中霱而國主社示本也唯為社
事單出里唯為社田國人畢作唯社丘秉供
案盛所以報本及始也季春出火考焚也然
後簡其軍賦而歷其卒伍而君親始言社以習
軍旅左之右之坐之起之以觀其習變也而
流示之禽而鹽諸利以觀其不犯命也求服
其志不貪其得故以戰則克以祭則受福天
于適四方先柴郊之祭也迎長日之至也大
報天而主日也兆於南郊就陽位也掃地而

祭於其質也器用陶匏以象天地之性也於
郊故謂之郊牲用騂尚赤也用犢貴誠也郊
之用辛也周之始郊日以至卜郊受命于祖
廟作龜於禘官尊祖親考之義也卜之日王
立于澤親聽誓是命受教諫之義也獻命廡門
之內戒百官也大廟之命戒百姓也祭之日
王皮弁以聽祭報示民嚴上也喪者不哭不
敢凶服泥掃反道鄉為田燭弗命而民聽上
祭之日王被袞以象天戴冕璪十有二旒則

天數也乘素車貴其質也祫十有二旒龍章而設日月以象天也天垂象聖人則之郊所以明天道也帝牛不吉以為稷牛帝牛必在滌三月稷牛唯具所以別事天神與人鬼也萬物本乎天人本乎祖此所以配上帝也郊之祭也大報本反始也天子大蜡八伊耆氏始為蜡蜡也者索也歲十二月合聚萬物而索饗之也蜡之祭也王先畱而祭司畷也祭百種以報畷也饗農及郵表畷禽獸仁之至義

之盡也古之君子使之必報之迎貓為其食田鼠也迎虎為其食田豕也迎而祭之也祭坊與水庸事也曰土反其宅水歸其壑昆蟲毋作草木歸其澤皮弁素服而祭素服以送終也葛帶榛杖喪殺也蜡之祭仁之至義之盡也黃衣黃冠而祭息田夫也野夫黃冠黃冠草服也大羅氏天子之掌鳥獸者也諸侯貢厲焉草笠而至尊野服也羅氏致鹿與女而詔客告也以戒諸侯曰好田好女者亡其

國天子樹公彘不斂藏之種也八蜡以記四方四方年不順成八蜡不通以謹民財也順成之方其蜡乃通以移民也既蜡而收民息已故既蜡君子不興功恒豆之菹水草之和氣也其醢陸產之物也加豆陸產也其醢水物也蓬豆之薦水土之品也不敢用常繁味而貴多品所以交於神明之義也非食味之道也先王之薦可食也而不可者也卷冕路車可陳也而不可好也武壯而不可樂也宗

廟之威而不可安也宗廟之器可用也而不可使其利也所以交於神明者不可同於所安樂之義也酒醴之義云酒明水之尚貴五味之本也黼黻文繡之美疏布之尚及女功之始也莞簞之安而蒲越豪蘇之尚明之也大羹不和貴其質也大車不琢美其質也丹漆雕幾之義素車之乘尊其樸也貴其質而已矣所以交於神明者不可同於所安樂之甚也如是而右宜鼎俎奇而蓬豆偶陰陽之

義也黃目鬱氣之上尊也黃者中也目者氣
之清明者也言酌於中而清明於外也祭天
掃地而祭焉於其質而已矣醴醢之美而煎
鹽之尚貴天產也割刀之用而鬻刀之貴貴
其義也聲和而後斷也冠義始冠之緇布之
冠也大古冠布齊則緇之其緇也孔子曰吾
未之聞也冠而敬之可也適子冠於所以著
代也醴於客位加有成也三加彌尊喻其志
也冠而字之敬其名也委貌周道也章甫殷

道也毋追夏后氏之道也周弁殷皐夏収三
王共皮弁素積無大夫冠禮而有其昏禮古
者五十而右爵何大夫冠禮之有諸侯之有
冠禮夏之末造也天子之元子士也天下無
生而貴者也繼世以立諸侯象賢也以官爵
人德之殺也死而謚今也古者生無爵死無
謚禮之所尊尊其義也失其義陳其數祝史
之事也故其數可陳也其義難知也知其義
而敬守之天子之所以治天下也天地合而

后萬物興焉夫昏禮萬世之始也取於異姓
所以附遠厚別也幣以誠辭無不腆告之以
直信信事人也信婦德也壹與之齊終身不
改故夫死不嫁男子親迎男先於女剛柔之
義也天先乎地君先乎臣其義一也執摯以
相見敬章別也男女有別然後父子親父子
親然後義生義生然後禮作禮作然後萬物
安無別無義禽獸之道也昏親御授綏親之
也親之也者親之也敬而親之先王之所以

得天下也出乎大門而先男帥女女從男夫
婦之義由此始也婦人從人者也幼從父兄
嫁從夫夫死從子夫也者夫也夫也者以知
帥人者也玄冕齊戒鬼神陰陽也將以為社
稷主為先祖後而可以不致敬乎共牢而食
同尊卑也故婦人無爵從夫之爵坐以夫之
齒器用陶匏尚禮然也三王作牢用陶匏啟
明婦盥饋舅姑率食婦餼餘私之也舅姑降
自西階婦降自阼階授之室也昏禮不用樂

幽陰之義也樂陽氣也昏禮不賀人之序也
有虞氏之祭也尚用氣血腥燔祭用氣也殷
人尚聲臭味未成滌蕩其聲樂三闋然後出
迎牲聲音之號所以詔告於天地之間也周
人尚臭灌用鬯臭鬱合鬯臭陰達於淵泉灌
以圭璋用玉氣也既灌然後迎牲致陰氣也
蕭合黍稷臭陽達於牆屋故既奠然後炷蕭
合羶芻凡祭慎諸此魂氣歸于天形魄歸于
地故祭求諸陰陽之義也殷人先求諸陽周

獻沉于醑酒猶明清與醑酒于舊澤之酒也
祭有祈焉有報焉有由辟焉齊之玄也以陰
幽思也故君子三日齊必見其所祭者

內則第十二

后王命冢宰降德于象兆民于事父母鷄初
鳴咸盥漱櫛縱筭總拂髦冠緌纓端鞞紳措
笏左右佩用左佩紉帨刀礪小觶金燧右佩
珌捍管籥大觶木燧偪屨着綦婦事舅姑如
事父母鷄初鳴咸盥漱櫛縱筭總衣紉左佩

紛斫刀礪小觶金燧右佩箴管線續施繫屨
大觶木燧衿纓墓履以適父母舅姑之所及
所下氣怡聲問衣燠寒疼痛病瘳而敬抑擢
之出入則或先或後而敬扶持之進盥少者
奉槃長者奉水請沃盥盥卒授巾問所欲而
敬進之柔色以溫之饘醢酒醴芻蕘麥蕡
稻黍稷秫唯所欲棗栗飴蜜以甘之蓬萱粉
榆兔薨滷澆以滑之脂膏以膏之父母舅姑
必嘗之而後退男女未冠笄者鷄初鳴咸盥

人先求諸陰詔祝於室坐尸於堂用牲於庭
升首於室直祭祝于主索祭祝于禘不知神
之所在於彼乎於此乎或諸遠人字祭于禘
尚曰求諸遠者粢禘之為言億也所之為言
敬也富也者福也首也者直也相饗之也楸
長也大也尸陳也毛血告函全之物也告函
全之物者貴純之道也血祭盛氣也祭肺肝
心貴氣主也祭黍稷加肺祭齊加明水報陰
也取脾膾燔燎升首報陽也明水說齊貴新

也凡浣新之也其謂之明水也由主人之絜
著此水也君再拜稽首內袒親割敬之至也
敬之至也服也拜服也稽首服之甚也內袒
服之盡也祭稱孝孫孝子以其義稱也稱曾
孫某謂國家也祭祀之相主人自致其敬盡
其嘉而無與讓也腥肆爛膾祭豈知神之所
饗也主人自盡其敬而已矣舉爵角詔安尸
古者尸無事則立有事而右坐也尸神象也
祝將命也縮酌用茅明酌也醑酒況于清汁

漱櫛緹拂髦總角衿纓皆佩容身昧爽而朝
問何食飲矣若已食則退若未食則佐長者
視具凡內外鷄初鳴咸盥漱衣服斂枕篔簹灑
掃室堂及庭布席各從其事孺子蚤寢晏起
唯所欲食無時由命士以上父子皆異宮昧
爽而朝慈以肯甘日出而退各從其事日入
而夕慈以肯甘父母舅姑將坐奉席請何鄉
將社長者奉席請何趾少者執牀與坐御者
舉几斂席與篔簹餘篔簹枕斂篔簹而禱之父母

舅姑之衣食簞席枕几不傳杖履祇敬之勿
敢近敦牟危匪餒莫敢用與恒食餒非餒
莫之敢飲食父母在朝夕恒食子婦佐餒既
食恒餒父沒母存冢子御食羣子婦佐餒如
初旨甘柔滑孺子餒在父母舅姑之所有命
之應唯敬對進退周旋慎齊升降出入揖遜
不敢噉噉噉咳久伸跛倚睇視不敢唾痰寒
不敢襲瘡不敢擗不有敬事不敢袒裼不涉
不撮褻衣衾不見裏父母唾痰不見冠帶垢

和灰請漱衣裳垢和灰請澣衣裳綻裂紉箴
請補綴五日則燂湯請浴三日具沐其間面
垢燂燂請醜足垢燂湯請洗少事長賤事貴
共跣時男不言內女不言外非祭非喪不相
授器其相授則女受以篚其無篚則皆坐奠
之而後取之外內不共井不共溷浴不通寢
席不通乞假男女不通衣裳內言不出外言
不入男子入內不嘯不指夜行以燭無燭則
止女子出門必擁蔽其面夜行以燭無燭則

止道路男子由右女子由左子婦孝者敬者
父母舅姑之命勿違勿怠若飲食之雖不孝
必嘗而待加之衣服雖不欲必服而待加之
事人代之已雖弗欲姑與之而姑使之而後
復之子婦有勤勞之事雖甚愛之姑縱之而
寧數休之子婦未孝未敬勿庸疾怨姑教之
若不可教而後怒之不可怒于教婦出而不
表禮焉父母有過下氣怡色柔聲以諫諫若
不入起敬起孝說則復諫不說與其得罪於

鄉黨州閭寧孰諫父母怒不說而撻之流血
不敢疾怨起敬起孝父母有婢子若廢子廢
孫甚愛之雖父母沒沒身敬之不衰子有二
妻父母愛一人焉子愛一人焉由衣服飲食
由執事毋敢視父母所愛雖父母沒不衰子
甚重其妻父母不說出子不宜其妻父母曰
是善事我子行夫婦之禮焉沒身不衰父母
雖沒將焉善思貽父母令名必果將焉不善
思貽父母羞辱必不果舅沒則姑老家婦所

祭祀賓客每事必請於姑介婦請於冢婦舅
姑使冢婦毋怠不友無禮於介婦舅姑若使
介婦毋敢敵耦於冢婦不敢並行不敢並命
不敢並坐凡婦不命適私室不敢退婦持有
事大小必請於舅姑子婦無私貸無私畜無
私器不敢私儆不敢私與婦或賜之飲食衣
服布帛佩帨篚簞則受而獻諸舅姑舅姑受
之則喜如新受賜若反賜之則辭不得命如
更受賜藏以待之婦若有私親兄弟將與之

則也復請其故賜而後與之適子庶子祫事
宗子宗婦雖貴富不敢以貴富入宗子之家
雖象車徒舍於外以寡約入子弟猶歸器衣
服裘衾車馬則必獻其上而後敢服用其次
也若非所獻則不敢以入於宗子之門不敢
以貴富加於父兄宗族若富則具二牲獻其
賢者於宗子夫婦皆齊而宗敬焉終事而後
敢私祭飯黍稷稻粱白黍黃粱稭稊脯臠臠
臠醢牛炙醢牛臠醢牛臠羊炙羊臠醢豕炙

醢豕豕芥醬魚膾雉兔鷄鷓飲重醴稻醴清
糟黍醴清糖梁醴清糟或以醃為醴黍地蒸
水醴濫酒清白羞糗餌粉醃食蝸醢而芥食
雉羹麥食脯羹鷄羹折稌大羹兔羹和糝不
羹滯豚包苦實麥滯鷄醢醬實麥滯魚卵醬
膏鮭魚膾芥醬麋腥醢醬桃諸梅諸卵鹽
凡食齊視春時羹齊視夏時醬齊視秋時飲
齊視冬時凡和春多酸夏多苦秋多辛冬多

鹹調以滑甘牛耳稌羊宜黍豕宜稷犬宜粟
鴈宜麥魚宜苽春宜羔豚醢膏藟夏宜膳鮪
膳膏臊秋宜犢麇膳膏腥冬宜鮮羽膳膏膾
牛脩鹿脯田豕脯麋脯麇脯麋鹿田豕膾皆
有軒雉兔皆有芼爵鷄蜩范芝栒菱棋棗栗
榛柿瓜桃李梅杏楂梨薑桂大夫燕食有膾
無脯有脯無膾士不貳羹歲廢人耆老不徒
食膾春用葱秋用芥豚春用韭秋用藜肝用
葱膏用雞三牲用麩和用醢獸用梅鷄羹雞

羹鴛醜之羹魴鯁烝雛燒雉茹無蓼不食雛
鼈狼去腸狗去腎狸去正脊兔去尻狐去首
豚去腦魚去乙鼈去醜肉曰脫之魚曰作之
棗曰新之栗曰撰之桃曰膽之担梨曰攢之
牛夜鳴則膺羊冷毛而毳羶狗赤股而蹠蹠
鳥皦色而沙鳴鶩豕望視而交腫腥馬黑脊
而掖臂漏雛尾不盈握泔食舒鴈翠鵝鴉胖
舒鳥翠鷄肝鴈腎鴉與鹿胃肉腥細者為膾
大者為軒或曰麋鹿魚為道麋為辟鷄野豕

為軒兔為宛脾切葱若薤實諸醢以柔之羹
食自諸侯以下至於庶人無等大夫無秩膳
大夫七十而有閣天子之閣左達五右達五
公侯位於房中五大夫於閣三士於地一凡
養老有虞氏以燕禮夏后氏以饗禮殷人以
食禮周人脩而並用之凡五十養於鄉六十
養於國七十養於學達於諸侯八十拜君命
一坐再至饗亦如之九十者使人受五十異
糧六十福肉七十戴膳八十常珍九十飲食

不違寢膳飲從於遊可也六十歲制七十時
制八十月制九十日脩唯絞給衾冒死而後
制五十始衰六十非肉不飽七十非帛不暖
八十非人不暖九十雖得人不暖矣五十杖
於家六十杖於鄉七十杖於國八十杖於朝
九十者天子欲有問焉則就其室以珍從七
十不俟朝八十月告存九十日有秩五十不
從力政六十不與服我七十不與賓客之事
八十齊衰之事弗及也五十而爵六十不親

學七十致政凡自七十以上唯衰麻為喪凡
三王養老皆引年八十者一子不從政九十
者其家不從政誓亦如之凡父母在子雖老
不坐有虞氏養國老於上庠養廢老於下庠
夏后氏養國老於東序養廢老於西序殷人
養國老於右學養廢老於左學周人養國老
於東膠養廢老於虞庠虞庠在國之西郊有
虞氏皇而祭深衣而養老夏后氏收而祭燕
衣而養老殷人皐而祭編衣而養老周人冕

而祭玄衣而養老曾子曰孝子之養老也樂其心不違其志樂其耳目安其寢處以其飲食忠養之孝子之身終終身也者非終父母之身終其身也是故父母之所愛亦愛之父母之所敬亦敬之至於大馬盡然而况於人乎凡養老五帝憲三王有乞言五帝憲養氣體而不乞言有善則記之為惇史三王亦憲既養老而乞言亦徵其禮皆有惇史惇熬煎醢加于陸綿上沃之以膏曰淳熬淳母煎

醢加于黍食上沃之以膏曰淳母炮取豚若將封之刻之實糞於其腹中編篋以苴之塗之以謹塗炮之塗皆乾辟手之濯手以摩之去其馘為粉糲澁之以為醢以付豚煎諸膏膏必滅之鉅鑊湯以小鼎錡脯於其中使其湯毋滅鼎三日三夜毋絕火而後調之以醢醢擣珍取牛羊麋鹿麇之肉必版每物與牛若一擣及側之去其餌孰出之去其馘柔其肉漬取牛肉必新殺者薄切之必絕其理湛

諸美酒期朝而食之以醢若醢醢為熬搗之
去其齧編雀布牛肉焉胥桂與薑以灑諸上
而鹽之乾而食之施羊亦如之施麋施鹿施
麋皆如牛羊欲濡肉則釋而煎之以醢欲乾
肉則搗而食之搗取牛羊豕之肉三如一小
切之與稻米稻米二肉一合以香餌煎之肝
膾取狗肝一臠之以其膾濡炙之舉燂其膾
不薰取稻米舉擗溲之小切狼臠膏以與稻
米為醢禮始於謹夫婦為宮室辨外內男子

居外女子居內深宮固門閤寺守之男不入
女不出男女不同櫛栉不敢縣於夫之櫛栉
不敢藏於夫之篋笥不敢共浴浴夫不在斂
枕簟簟席櫛器而藏之少事長賤事貴咸如
之夫婦之禮唯及七十同藏無問故妾雖老
年丰滿五十必與五日之御將御者齊漱盥
慎衣服櫛緹笄總角拂髦衿纓綦履雖婢妾
衣服飲食必後長者妻不在妾御莫敢當力
妻將生子及月辰居側室夫使人日再問之

作而自問之妻不啟見使姆衣服而對至于
子生夫復使人日再問之夫齊則不入側室
之門子生男子設孤於門左女子設帨於門
右三日始負子男射女否國君世子生告于
君接以大牢宰掌具三日卜士負之吉者宿
齊朝服寢門外詩負之射人以桑弧蓬矢六
射天地四方保受乃負之宰醴負子賜之束
帛卜士之妻大夫之妾使食子凡接子擇日
冢子則大牢廢人特豚士特豕大夫少牢國

君世子大牢其非冢子則特降一等異者孺
子室於宮中擇於諸母與可者必求其寬裕
慈惠溫良恭敬慎而寡言者使為子師其次
為慈母其次為保母皆居子室他人無事不
往三月之未擇日剪髮為髻男角女鬕否則
男左女右是日也妻以子見於父貴人則為
水服由命士以下皆漱澣男女夙興沐浴衣
服具視朝食夫入門升自阼階立于阼西鄉
妻抱子出自房當楹立東面姆先相曰母某

敢用時日祇見孺子夫對曰欽有帥父執子
之右手咳而名之妻對曰託有成遂左還授
師子師辭告諸婦諸母名妻遂適寢夫告宰
名宰辭告諸男名書曰某年某月某日某生
而藏之宰告閭史閭史書為二其二藏諸閭
府其一藏諸州史州史獻諸州伯州伯命藏
諸州府夫入食如養禮世子生則君沐浴朝
服夫人亦如之皆立于阼階西鄉世婦抱子
升自西階君名之乃降適子廢子見於外寢

撫其首咳而名之禮帥初無辭凡名子不以
日月不以國不以隱疾大夫士之子不敢與
世子同名妾將生子及月辰夫使人日一問
之子生三月之末漱齋夙齊見於內寢禮之
如始入室君已食徹焉使之持餼遂入御公
廢子生就側室三月之末其母沐浴朝服見
於君擯者以其子見君所有賜君名之象子
則使有司名之廢人無側室者及月辰夫出
居羣室其問之也與子見父之禮無以異也

凡父在孫見於祖祖亦名之禮如子見父無
辭食子者三年而出見於公宮則劬大夫之
子有食母士之妻自養其子由命士以上及
大夫之子向而見冢子未食而見必執其右
手適子廢子已食而見必循其首子能食食
教以右手能言男唯女俞男擊韋女擊絲六
年教之數與方名七年男女不同席不共食
八年出入門戶及即席飲食必後長者始教
之讓九年教之數日十年出就外傳居宿於

外學書計衣不帛襦袴禮即初朝夕學幼儀
請肄簡諒十有三年學樂誦詩樂勺成童舞
象學射御二十而冠始學禮可以衣表帛舞
大夏惇行孝弟博學不教內而不出三十而
有室始理男事博學無方孫友視志四十始
仕方物出謀發慮道合則服從不可則去五
十命為大夫服官以七十致事凡男拜尚左
手女子十年不出姆教婉娩聽從執麻案治
絲繭織紵組紃學女事以共衣服觀於祭祀

紙酒糞籩豆道醢禮相助奠十有五年而笄
二十而嫁有故二十三年而嫁聘則為妻奔
則為妻凡女拜尚志手

